## Lament for a Lost Dinner Ticket

#### By Margaret Hamilton

See ma mammy See ma dinner ticket A pitituma Pokit an she pititiny Washnmachine.

See thou burnty Up wherra firewiz.

Ma mammy says Am no tellnyagain No'y playnit A jist wen'y eatma Pokacrisps furma dinner Nabigwoffldoon.

The wummin sed Aver near Clapsd Jistur heednur Wee wellies sticknoot.

They sed Wot heppind? Nme'nma belly Na bedna hospital A sed A pititnma Pokit an she pititny Washnmachine.

They sed Ees thees chaild eb slootly Non verbal? A sed MA BUMSAIR Nwen'y sleep.

### Tam O' Shanter by Robert Burns

## Extract 3

Ah, Tam! Ah, Tam! thou'll get thy fairin! In hell they'll roast thee like a herrin! In vain thy *Kate* awaits thy comin! Kate soon will be a woefu' woman! Now, do thy speedy utmost, Meq. And win the key-stane of the brig; There at them thou thy tail may toss, A running stream they dare na cross. But ere the key-stane she could make, The fient a tail she had to shake! For Nannie, far before the rest, Hard upon noble Maggie prest, And flew at Tam wi' furious ettle; But little wist she Maggie's mettle-Ae spring brought off her master hale, But left behind her ain gray tail: The carlin claught her by the rump,

And left poor Maggie scarce a stump.

# THE COMING OF THE WEE MALKIES by Stephen Mulrine

Haw missis, whit'll ye dae when the wee Malkies come,

If they dreep doon affy the wash-hoose dyke,

An pit the hems oan the sterrheid light, An play wee heidies oan the clean close wa, Missis, whit'll ye dae?

Whit'll ye dae when the wee Malkies come, If they chap yir door an choke yir drains, An caw the feet fae yir sapsy weans, An tummle thur wulkies through yir sheets, An tim thur ahes oot in the street, Missis, whit'll ye dae?

Whit'll ye dae when the wee Malkies come, If they chuck thur screwtaps doon the pan, An stick the heid oan the sanitry man, When ye hear thum shauchlin doon yir loaby,

Chanting, "Wee Malkies! The gemme's a bogey!"

Haw, missis, whit'll ye dae?